



Broj: 13-05-36-685/12

Datum: 21.05.2012.godine

**UNIJA ZA ODRŽIVI POVRATAK I
INTEGRACIJE U BOSNI I HERCEGOVINI**
Ul. Mihrihode br.29
71 000 Sarajevo
Fax. 033/ 273-581
N/r Predsjednice Unije
G-đa Mirhunisa Zukić

Predmet: Odluka o ostvarivanju prava iz osnova socijalne, zdravstvene i boračko-invalidske zaštite povratnika iz Kantona Sarajevo na područje entiteta RS, dostavlja se

Poštovana,

kao što Vam je poznato, Skupština Kantona Sarajevo na sjednici održanoj 28.06.2011. godine je donijela **Odluku o ostvarivanju prava iz osnova socijalne, zdravstvene i boračko-invalidske zaštite povratnika iz Kantona Sarajevo na područje entiteta RS**, kojom se zadržavaju sva stečena prava u Kantonu Sarajevo iz oblasti socijalne, zdravstvene i boračko-invalidske zaštite i nakon stvarnog povratka u entitet RS, odnosno i nakon odjave iz Kantona Sarajevo i vađenja ličnih dokumenata u općinama povratka u RS-u.

U cilju sveobuhvatnog i blagovremenog informisanja svih građana koji su prijeratno prebivalište imali na području entiteta RS, ovo ministarstvo Vam je dostavilo Obavještenje i Odluku kako bi i Vaša organizacija doprinijela boljem animiranju svih građana da se vrate u općine entiteta RS i izvade lične karte u općinama povratka, a da pri tom neće izgubiti nijedno od stečenih prava u Kantonu Sarajevo.

Analizirajući dosadašnje efekte ove odluke, ocijenjeno je da još uvijek nije postignut željeni efekat, te Vam, u cilju povećanja broja stvarnih povratnika u općine entiteta RS, ponovno dostavljamo predmetnu odluku i molimo da učinite dodatne napore kako bi što veći broj raseljenih lica-prijeratnih stanovnika općina entiteta RS bio upoznat o značaju same Odluke i potrebi da svoje lične dokumente vade u općinama povratka i na taj način svoje pravo glasa u punom kapacitetu iskoriste na lokalnim izborima zakazanim za 7. oktobar 2012. godine.

S poštovanjem,

Prilog: kao u tekstu

Obradio: Safet Skorupan

Dostavljeno:

1. Naslovu,
2. A/a



web: <http://mrsri.ks.gov.ba>
e-mail: radsoera@ks.gov.ba

Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



POMOĆNIK MINISTRICE
Edin Duraković, dipl.el.ing.



Na osnovu člana 12. stav tačka j) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00 i 4/01 i 28/04), Skupština Kantona Sarajevo, na sjednici održanoj 28. juna 2011. godine, donijela je

ODLUKU

O OSTVARIVANJU PRAVA IZ OSNOVA SOCIJALNE, ZDRAVSTVENE I BORAČKO - INVALIDSKE ZAŠTITE POVRATNIKA IZ KANTONA SARAJEVO NA PODRUČJE ENTITETA REPUBLIKA SRPSKA

I. OSNOVNE ODREDBE

Član 1. (Sadržaj Odluke)

- (1) Ovom odlukom se licima - povratnicima iz Kantona Sarajevo na područje entiteta Republika Srpska (u daljnjem tekstu: povratnici), privremeno priznaju prava na:
- socijalnu zaštitu,
 - zaštitu civilnih žrtava rata,
 - zaštitu porodice sa djecom,
 - pravo na zdravstvenu zaštitu, uključujući i prošireni obim prava,
 - boračko - invalidsku zaštitu.

- (2) Prava iz stava (1) ovog člana ostvaruju se na način i pod uslovima utvrđenim zakonom i drugim propisima iz odgovarajućih oblasti koji se primjenjuju na području Kantona Sarajevo.

Član 2. (Ostvarivanje prava)

Povratnici ostvaruju prava iz člana 1. ove odluke ukoliko ta prava nisu ostvarila u mjestu prebivališta.

Član 3.

(Definicija povratnika)

Povratnik u smislu člana 1. ove odluke je lice koje je ostvarilo ili će ostvariti povratak u entitet Republika Srpska iz Kantona Sarajevo u roku utvrđenom članom 8. ove odluke.

II. OSTVARIVANJE PRAVA

Član 4.

(Rješavanje o pravima)

- (1) Povratnici koji su ostvarili prava iz člana 1. ove odluke, zadržavaju ta prava povratkom u mjesto prebivališta u Republici Srpskoj.
- (2) Po zahtjevima za ostvarivanje prava iz člana 1. ove odluke u prvostepenom upravnom postupku rješavaju nadležni organi, u skladu sa zakonom i drugim propisima, u najbližem mjestu prebivališta povratnika, odnosno općine u kojoj je povratnik imao posljednje boravište.

Član 5.

(Drugostepeno rješavanje)

Za rješavanje po žalbama na akte prvostepenog organa iz člana 4. ove odluke nadležno je Ministarstvo za rad, socijalnu politiku, raseljena lica i izbjeglice Kantona Sarajevo, Ministarstvo za boračka pitanja Kantona Sarajevo i Ministarstva zdravstva Kantona Sarajevo.

Član 6.

(Finansiranje)

Finansiranje prava iz člana 1. ove odluke vrši se u skladu sa raspoloživim sredstvima određenim za ove namjene - sa pozicije Ministarstva za rad, socijalnu politiku, raseljena lica i izbjeglice Kantona Sarajevo, Ministarstva za boračka pitanja Kantona Sarajevo, sa pozicije Ministarstva zdravstva Kantona Sarajevo i Zavoda zdravstvenog osiguranja Kantona Sarajevo u dijelu proširenog obima prava koji se odnosi na korištenje ortopedskih pomagala, lijekova, medicinskih sanitetskih sprava i materijala za ratne vojne invalide.

III. PRELAZNE I ZAVRŠNE ODREDBE

Član 7.

(Ravnopravnost spolova)

Gramatička terminologija korištenja ženskog ili muškog roda u ovoj odluci podrazumijeva uključivanje oba roda.

Član 8.

(Primjena Odluke)

Ova odluka će se primjenjivati do konačnog povratka.

Član 9.

(Prestanak važenja odluka)

Stupanjem na snagu ove odluke, prestaje da važi Odluka o privremenom finansiranju prava iz osnova socijalne i zdravstvene zaštite povratnika iz Kantona Sarajevo na područje Grada Sarajeva iz 1991. godine koje je Dejtonskim sporazumom pripalo entitetu Republika Srpska ("Službene novine Kantona Sarajevo", broj 9/04) i Odluka o pravima povratnika iz Kantona Sarajevo na područje Grada Sarajeva iz 1991. godine koje je po Dejtonskom sporazumu pripalo entitetu Republika Srpska ("Službene novine Kantona Sarajevo", broj 19/04).

Član 10.

(Stupanje na snagu Odluke)

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-21100/11
28. juna 2011. godine
Sarajevo

Predsjedavajuća
Skupštine Kantona Sarajevo
Prof. dr. Mirjana Malić, s. r.

ZAVOD ZDRAVSTVENOG OSIGURANJA
KANTONA SARAJEVO
Ložionička br.2, Sarajevo
Tel +387 33 72 52 00
Fax +387 33 72 52 52
e-mail: kzzobib@lol.ba



INSTITUTE FOR HEALTH INSURANCE
CANTON SARAJEVO
Ložionička br.2, Sarajevo
Tel. +387 33 72 52 00
Fax +387 33 72 52 52
e-mail: kzzobib@lol.ba

Broj: službeno

UPUTSTVO O JEDINSTVENOM POSTUPANJU U PROVOĐENJU
ODLUKE O OSTVARIVANJU PRAVA IZ OSNOVA SOCIJALNE, ZDRAVSTVENE I
BORAČKO-INVALIDSKE ZAŠTITE POVRATNIKA IZ KANTONA SARAJEVO NA
PODRUČJE ENTITETA REPUBLIKA SRPSKA

Služba pravnih poslova Zavoda zdravstvenog osiguranja Kantona Sarajevo, a putem poslovnica, provodit će Odluku na način što će po obraćanju stranke utvrditi sljedeće činjenice pomoću dokaza kako slijedi:

-Svojstvo povratnik-dokaz prijava mjesta prebivališta izdata od CIPS-a,

-Da nema svojstvo osiguranika u RS-u = potvrda izdana od Fonda zdravstvenog osiguranja Republike Srpske.

Lica za koja se utvrde ove činjenice po predloženim dokazima nesmetano ostvaruju pravo iz citirane odluke.

O provođenju ove odluke imaju se starati šef službe pravnih poslova i šefovi poslovnica na Kantonu Sarajevo.

Sarajevo, 29.08.2011.g.

Dostaviti:
Poslovnicama
u evidenciju

